

JONES, JENKIN (1700? - 1742), gweinidog Arminaidd

Enw: Jenkin Jones
Dyddiad geni: 1700?
Dyddiad marw: 1742
Rhyw: Gwryw
Galwedigaeth: gweinidog Arminaidd
Maes gweithgaredd: Crefydd
Awdur: Thomas Oswald Williams

Ganwyd yn Trafle, Llanwenog, yn 1700(?). Symudodd y teulu wedyn i Fryngranod ar bwys, a heb fod ymhell oddi wrth ddylanwad rhyddfrydig Crugymaen. Yn llyfr eglwys y Cilgwyn ceir y cofnod: 'Jenkin Jones of Llwynrhydowen; ordained April 1726, obiit 1742.' Ni wyddom ddim o'i hanes bore. Yr oedd yng Ngholeg Caerfyrddin o 1720 i 1722. Aelod ydoedd o gapel Annibynnol Pantycreuddyn, meddir, a hwyrach ei fod yn teimlo ysbryd rhyddfrydig Crugymaen a Chaerfyrddin yn cael ei lethu yma. Bu rhwyg yn y gynulleidfa, a dechreuodd yntau bregethu y syniadau newydd neu Arminiaeth yn y Wernhir neu Penybanc tua 1726. Yn 1733 cododd gapel Llwynrhydowen, a dyma'r capel Arminaidd cyntaf yng Nghymru.

Cyhoeddodd o leiaf ddau lyfr: *Cyfrif Cywir o'r Pechod Gwreiddiol*, 1729, a *Catechismau i'w dysgu gan blant*, 1732, a dau gyfieithiad o'r Saesneg, *Llun Agrippa*, 1723, a *Dydd y Farn Fawr*, 1727. Cyhoeddwyd wedi'i farw ei *Hymnau cymmwys i addoliad Duw*, 1768. Apostol Arminiaeth ydoedd, a'i brif waith oedd gosod y *Beibl* yn uwch na chredo. Nithiodd yr hen syniadau gan droi arnynt olau rheswm. Cyn ei farw yr oedd chwech neu saith o weinidogion ac eglwysi wedi derbyn y syniadau newydd.

Bu farw yn 1742 yn r ifanc 42 mlwydd oed, a chladdwyd ef 30 Mehefin 1742 ym mynwent eglwys Llandysul.

Awdur

Y Parchedig Thomas Oswald Williams, (1888 - 1965)

Ffynonellau

Lloyd Letters (1754-96) (1908), lx-xvi

Hanes Plwyf Llandysul (1896), 158-61

Yr Ymofynnydd, Chwefror 1932, 21-9

Griffith Jones (Glan Menai), *Enwogion Sir Aberteifi* (1868)

Enwogion Ceredigion (1869)

Y Drysorfa Gynulleidfaol (Abertawe 1843-1851), 1850, 231

Josiah Thomas Jones, *Geiriadur Bywgraffyddol o Enwogion Cymru (Aberdâr 1867-70)*, ii, 95

D. Peter, *Hanes Crefydd yng Nghymru, o'r amser y daeth y Cymry i Ynys Brydain hyd yr amser presennol* (Caerfyrddin 1816), 619

J. Gwili Jenkins, *Hanfod Duw a Pherson Crist: athrawiaeth y Drindod a Duwdod Crist, yn bennaf yn ei pherthynas â Chymru* (Liverpool 1931), 36

Dolenni Ychwanegol

Wikidata: [Q18593184](https://www.wikidata.org/wiki/Q18593184)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

